



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
11 SEPTEMBER 2017 (ISNIN)

AKHBAR

MUKA SURAT

Berita Harian

- Penduduk Taman Melawati semakin tertekan 12

Utusan Malaysia

- 30,000 penduduk bantah bina dewan 27



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
11 SEPTEMBER 2017 (ISNIN)

Akhbar	Berita Harian
Tajuk Berita	Penduduk Taman Melawati semakin tertekan
Muka Surat	12

Ms.12

Isnin, 11 September 2017 BH

→ HALAMAN KOTA

PEMBANGUNAN DI TAPAK REKREASI



(FOTO NURUL SYAZANA ROSE RAZMAN/BH)

Pelan asal pembinaan taman rekreasi di hadapan Melawati Mall.

Isu kesesakan lalu lintas yang MPAJ janji hendak selesaikan beberapa bulan lalu, masih belum dikotakan, kini mahu membina pula sebuah pusat konvensyen yang pastinya akan menambah masalah”

Razman Hakimi Abdullah,
Pengerusi Persatuan
Penduduk Jalan A, B dan C

Razman (empat dari kanan) bersama ahli persatuan penduduk membantah pembinaan pusat konvensyen di hadapan Melawati Mall.

Penduduk Taman Melawati semakin tertekan

➔ Masalah jalan sesak belum selesai, MPAJ rancang bina pusat konvensyen pula

Oleh Mohd Fharkhan Abdul Ghapar
bhnews@bh.com.my

➔ Ampang

Beban dihadapi sebahagian penduduk di Taman Melawati, di sini yang rimas dengan kesesakan lalu lintas akibat operasi sebuah kompleks beli-belah di situ, bakal bertambah dengan cadangan pembinaan sebuah pusat konvensyen pula.

Notis makluman projek terbahit sudah dikeluarkan Majlis Perbandaran Ampang Jaya (MPAJ) pada 18 Mei lalu yang menyebabkan 5,000 penduduk Jalan A, B dan C di Taman Melawati, semakin bimbang.

Mereka mendakwa, pelan asal pembangunan kawasan itu sebelum ini memperuntukkan pembangunan sebuah taman rekreasi di kawasan seluas 1.363 hektar, bersebelahan kompleks beli-belah

Melawati Mall.

Sehubungan itu, Pengerusi Persatuan Penduduk Jalan A, B dan C, Razman Hakimi Abdullah mendesak Menteri Besar Selangor, Datuk Seri Azmin Ali yang juga Ahli Parlimen Gombak membatalkan cadangan pembinaan pusat konvensyen terbahit.

“Isu kesesakan lalu lintas yang MPAJ janji hendak selesaikan beberapa bulan lalu, masih belum dikotakan, kini mahu membina pula sebuah pusat konvensyen yang pastinya akan menambah masalah.

Taman rekreasi pelan asal
“Mengikut pelan pembangunan semula diperkenalkan pemaju, Sime Darby Property lima tahun lalu, kawasan yang dicadangkan itu sepatutnya dibangunkan sebagai taman rekreasi untuk penduduk.

“Cadangan taman rekreasi itu juga dipaparkan dalam pelan pembangunan dan risalah promosi jualan dua projek pangsapuri yang

sedang dibangunkan berhampiran kawasan berkenaan,” katanya.

Katanya, penduduk membantah cadangan pembinaan pusat konvensyen itu dan menggesa MPAJ meneruskan perancangan pembangunan mengikut pelan asal pemaju.

Tinjauan mendapati sebahagian daripada lokasi dicadangkan itu menempatkan pusat khidmat masyarakat Ahli Parlimen, tempat letak kereta dan gelanggang futsal, manakala sebahagian besar lagi dalam keadaan terbiar.

Sebelum ini, Halaman Kota pernah menyiarkan masalah kesesakan lalu lintas dan kekurangan tempat letak kenderaan yang terpaksa dihadapi penduduk selepas pusat beli-belah Melawati Mall dibina.

Kumpul petisyen

Setiap hari, penduduk terpaksa menempuh kesesakan amat teruk pada waktu puncak, diburukkan

lagi apabila ada aktiviti perniagaan pasar malam dan pasar tani setiap hujung minggu.

Razman berkata, berikutan cadangan pembinaan pusat konvensyen itu, kedudukan taman rekreasi terbahit akan dipindahkan ke lokasi baharu, kira-kira satu kilometer dari tapak cadangan asal.

“Kami sedang mengumpul petisyen secara dalam talian bagi membantah projek pembinaan pusat konvensyen itu,” katanya.

Katanya, beliau sendiri akan menghantar dokumen dan petisyen bantahan itu kepada Menteri Besar, Ahli Dewan Undangan Negeri (ADUN) Hulu Kelang, Saari Sungib dan MPAJ.

“Kami harap isu ini dibawa ke sidang Dewan Undangan Negeri (DUN). Jika pihak berkenaan berdiam diri, penduduk bercadang ambil tindakan undang-undang, falkam semakan kehakiman sebagai usaha terakhir menyelesaikan isu ini,” katanya.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 11 SEPTEMBER 2017 (ISNIN)	
Akhbar	Utusan Malaysia
Tajuk Berita	30,000 penduduk bantah bina dewan
Muka Surat	27

UTUSAN MALAYSIA • ISNIN 11 SEPTEMBER 2017



RAZMAN HAKIMI ABDULLAH (empat dari kiri) bersama wakil penduduk menunjukkan tapak rekreasi bersebelahan Melawati Mall yang telah dibatalkan pembinaannya dan digantikan dengan Pusat Konvensyen MPAJ di Ulu Kelang, Selangor, baru-baru ini. - UTUSAN MALAYSIA/SAIFUL BAHARI ASHARI

30,000 penduduk bantah bina dewan

Oleh **FAUZI SUHAIMI**
kota@utusangroup.com.my

■ AMPANG 10 SEPT.

KIRA-KIRA 30,000 penduduk Taman Melawati, Hulu Kelang di sini, membantah cadangan pembinaan projek sebuah pusat konvensyen berhampiran kawasan perumahan mereka kerana bakal menyebabkan pelbagai masalah termasuk kesesakan lalu-lintas.

Pengerusi Persatuan Penduduk Taman Melawati Zon A, B dan C, Razman Hakimi Abdullah berkata, tapak berkeluasan 1.32 hektar yang sepatutnya dibina sebuah taman rekreasi itu telah diubah untuk membina depan bekenaan tanpa pengetahuan dan persetujuan penduduk setempat.

Menurutnya, perkara itu tidak sepatutnya berlaku kerana kerajaan negeri menerusi Majlis Perbandaran Ampang Jaya (MPAJ) telah menjanjikan kawasan itu

untuk dijadikan taman rekreasi dan ia turut direzabkan sebagai tanah kemudahan awam.

"Pada lima tahun lepas penduduk telah bersetuju untuk membina sebuah taman rekreasi bagi tujuan riadah dan mengekalkan kawasan hijau menerusi pendengaran awam dan mesyuarat dengan pemaju bersama MPAJ namun apa yang dijanjikan itu tidak ditunaikan.

"Namun, pada 18 Mei lalu kami dimaklumkan untuk menghadiri mesyuarat bersama MPAJ untuk mendengar perubahan pelan oleh pemaju bagi menggantikan pembinaan taman rekreasi kepada sebuah dewan untuk tujuan tertentu," katanya kepada pemberita, baru-baru ini.

Dalam pada itu, Rizman Hakimi mendakwa, MPAJ dan pejabat Menteri Besar Selangor, Datuk Seri Mohamed Azmin Ali memaklumkan kepada penduduk bahawa persetujuan telah dicapai sebelum ini dan pelan pembangu-

nan itu tidak boleh diubah.

"Mana mungkin perkara ini berlaku sedangkan sesi pendengaran awam dan dialog tidak diadakan MPAJ sebelum memberi kelulusan pelan baharu itu dan ini sangat tidak adil.

"Kami mewakili semua penduduk di sini membantah dan tidak mahu projek pembinaan dewan dilakukan kerana itu dilihat tidak memenuhi keperluan semasa berbanding taman rekreasi yang masih tiada di kawasan ini," tegasnya.

Tambahnya, sebanyak lebih 2,000 tandatangan petisyen bantahan cadangan pelan itu berjaya dikumpul pihaknya dan akan dihantar kepada pihak berwajib.

"Kami akan menghantar petisyen dan dokumen-dokumen yang berkaitan kepada pihak pemaju, MPAJ dan Mohamed Azmin pada Isnin ini bagi mencajarkan perubahan pelan pembangunan itu kepada yang asal," katanya lagi.